

Մաքենադարանի նախագծի ճարտարապետն է Արարակ Ղուլյանը, շինարարությունն իրականացնում է «Մախրակ Կուն» ՍՊ ընկերությունը:

Նոգեպարար արարողության ժամանակ օրինվեցին կառուցվող Մաքենադարանի հիմքերը՝ մաղթանքով, որ Մաքենադարանը անսասան մնա ի վայելումն հայոց ազգի:

Այնուհետև Մայր Աթոռի Լուսարարապետ Տ. Արարատը եպիսկոպոս Գալթագճյանին ընթերցեց հիմնօրհներթի հիշատակարանը, որը հետո զեպեղվեց «Վաչե և Թամար Մանուկյան» Մաքենադարանի հիմքերի մեջ:

«Մաքենադարան-գիտական կենտրոնը իր ծառայությամբ ու գործունեությամբ պիտի նպաստի հայոց ազգային-եկեղեցական կյանքի անդաստանում աստվածաբանական և հայագիտական մտքի զարգացմանը՝ հավելելով այս ասպարեզներում առկա նվաճումներն ու ձեռքբերումները:

Նայրապետական այս գրով Մեր բարձր գնահատանքն ենք հայտնում ազգասեր ու եկեղեցանվեր բարերարներին, որոնց նյութական հոգածությամբ և ազնիվ վաստակով իրականացվում է այս գիտական կենտրոնի շինությունը, որն իր հարուստ գրադարանով, մասնագիտական սպասարկումով կարևոր ներդրում է բերելու՝ աստվածաբանության և հայագիտության ոլորտները նոր աշխարհայինների արգասիքներով արդյունազարդելու առաքելությանը:

Թող Փրկիչ մեր Տերը միշտ շեն ու պայծառ պահի Նայրենի մեր երկիրը, Եկեղեցին Նայաստանյայց, Ամենախնամ Իր Աջը հովանի դարձնի ազգիս Նայոց և երկնառաք բյուր օրհնությամբ պահպանի բարեպաշտ Մանուկյան ընտանիքին՝ նորանոր հաջողություններ շնորհելով ազգաշահ և եկեղեցաշեն նրանց բարի ու առաքինի գործերին. Ամեն», - ասվում է հիշատակարանում:

Արարողության ավարտին Վեհափառ Նայրապետը, ՆՆ Վարչապետը, Կիար Վաչե Մանուկյանը և հյուրերը ծանոթացան շինարարության ընթացքին, կարարված աշխատանքներին:

Ֆիմնօրհներթին նաև ներկա էին ՆՆ Սփյուռքի նախարար Նրանուշ Նակոբյանը, ՆՆ Կրթության և գիտության նախարար Արմեն Աշոտյանը, ԳԱԱ նախագահ Ռադիկ Մարտիրոսյանը, Արմավիրի մարզպետ Աշոտ Ղահրամանյանը, Մայր Աթոռի միաբաններ, Գերագույն Նոգետոր Խորհրդի անդամներ, Մայր Աթոռի բարերարներ, գիտության և մշակույթի գործիչներ:

ՄԱՅՐ ԱԹՈՐ ՍՈՒՐԲ ԷԶՄԻԱԾՆԻ
ՏԵՂԵԿԱՏՎԱԿԱՆ ՆԱԽԱԿԱՐԳ

ԱՄԵՆԱՅՆ ՆԱՅՈՑ ԿԱԹՈՂԻԿՈՍԸ «Ս. ԳՐԻԳՈՐ ԼՈՒՍԱՎՈՐԻՉ» ՇՔԱՆՇԱՆ ՆԱՆՁՆԵՅ ԲԱԲԿԵՆ ԵՒ ԱՆԱՏԻՏ ՄԿՐՅԱՆՆԵՐԻՆ

Սեպտեմբերի 23-ին Մայր Աթոռ Սուրբ Էջմիածնում Ն.Ս.Օ.Տ.Տ. Գաբեգին Բ Ծայրագույն Պարբիարք և Ամենայն Նայոց Կաթողիկոսը Նայաստանյայց Առաքելական Ս. Եկեղեցու «Ս. Գրիգոր Լուսավորիչ» պատվո բարձր շքանշանով պարգևատրեց Կրթ և Կրթիկն Բաբկեն և Անահիտ Մկրյաններին (Ֆիլադելֆիա, ԱՄՆ)՝ հայ ժողովրդին և Եկեղեցուն մատուցած օգրաշար ծառայությունների համար:

Հանդիսության սկզբում իր սրբի խոսքն ասաց ԱՄՆ Հայոց Արևելյան թեմի առաջնորդ Տ. Խաժակ արքեպիսկոպոս Պարսամյանը՝ անդրադառնալով Մկրյան ամուլի բացառիկ կեցվածքին հանդեպ Հայոց Եկեղեցին և Մայր Աթոռ Սուրբ Էջմիածինը, և շնորհակալություն հայտնելով Նորին Սրբությանը նրանց այդ բարձր պատվին արժանացնելու համար: Այնուհետև մեծարյալների կյանքի և գործունեության մասին խոսեց փար Երվանդ Ազարյանը:

Մինչ շքանշանի հանձնումը Մայր Աթոռի Լուսարարապետ Տ. Արարապ եպիսկոպոս Գալթագճյանն ընթերցեց Հայրապետական Սրբաբառ Կոնդակը:

«Ազգագույր և եկեղեցական Ձեր ծառայությունը Տիրոջ բարեխնամ օրհնության ներքո արգասավորված է բարի արդյունքներով: Ամերիկայի Հայոց Արևելյան թեմի և ի մասնավորի Ֆիլադելֆիայի Սուրբ Սահակ և Սուրբ Մեսրոպ եկեղեցու վարչական մարմիններում ստանձնած հանձնառություններով և կատարած ազնիվ նվիրաբերումներով Դուք փասնյակ փարիներ ծառայում եք Միացյալ Նահանգներում բնակյալ հայորդյաց համայնքային կյանքը առավել կազմակերպված, շեն ու պայծառ դարձնելու առաքելությանը:

Ձեր վաստակը հարստացրել եք նաև ի պայծառություն Մայր Աթոռ Սուրբ Էջմիածնի և Երուսաղեմի Հայոց Պատրիարքության կատարած ընծայաբերումներով, ՆԲԸ Միության, Թեքեյան Մշակութային Միության, Վարդանանց Ասպետների, Հայկական Համագումարի, «Արարապ» Երիտասարդաց Կենտրոնի և ազգային այլ կրթական ու մշակութային հաստատությունների գործունեությանը ի նպաստ բերած ազնիվ ջանքերով ու սրտաբուխ նվիրաբերություններով: Գոհունակություն է Հայրապետիս համար նաև, որ Դուք մշտապես ազնիվ հոգաբարություն եք դրսևորում մեր եկեղեցականաց հանդեպ՝ աջակցելով նրանց առողջական խնդիրների լուծմանը և հովվական առաքելության իրականացմանը: Ուրախությամբ ենք անդրադառնում Ձեր ինքնաբուխ հանձնառությանը՝ ներդրում բերելու Զավախքում մեր Սուրբ Եկեղեցու գործունեության առավել զորացմանն ու արդյունավորմանը: Ամ Աստված փառաբանական աղոթքն է Մեր հոգում, որ ազգս հայոց ունի Ձեզ պես հավատավոր, ազգասեր, եկեղեցասեր ու Էջմիածնասեր զավակներ»,- ասվում է Հայրապետական կոնդակում:

Ապա Նորին Սրբությունը Հայոց Եկեղեցու բարձրագույն պարգևը հանձնեց Բաբկեն և Անահիպ Մկրյաններին: Տիար Բաբկեն Մկրյանն իր շնորհակալությունն ու երախտագիտությունը հայտնեց Հայոց Հայրապետին՝ բարձր գնահատանքի արժանացնելու համար:

Հանդիսության ավարտին ներկաներին իր օրհնությունը բերեց Վեհափառ Հայրապետը: Նորին Սրբությունն անդրադարձավ մեծարյալների փարիների վաստակին և ազգային-եկեղեցական կյանքում դրսևորվող նրանց աստվածասեր ու ծառայասեր ոգուն: Գարեգին Բ Հայրապետը մաղթեց, որ Բարձրյալ Տերը հանապազ գորավիզ ու աջակից լինի Մկրյանների ընթանիքին՝ պարգևելով քաջառողջ կյանքի բազում օրեր և գործոց մշտադուրդ հաջողություններ:

ՄԱՅՐ ԱԹՈՐ ՍՈՒՐԲ ԷԶՄԻՎՈՒՆ
ՏԵՂԵԿԱՏՎԱԿԱՆ ՂԱՄԱԿԱՐԳ



«Գեղեցիկ Լուսինայի» շքանշանի հաղթողները Երևանի Աթոռի Կաթողիկոսի հետ